

ՆԱՌՈՒԹՅՈՒՆ

Սպիտակաշենը Հաղրութի շրջանի մեռած գյուղերից էր: Գուցե տվյալ պարագայում «մեռած» բառը շատ է տհաճ, բայց դա այդպես է, որովհետև գյուղը շնչավոր է: Իսկ ինչի՞ է նման պատուհանները բաց, լքված տներով գյուղը: Ամբողջ մխիթարանքն այն է, որ անցյալ ժամանակով սկսեցինք մեր առաջին նախադասությունը: Մեռած գյուղն, այո, սկսել է կենդանության նշաններ ցույց տալ: Գյուղը ուշքի է գալիս, գյուղը հարություն է առնում:

Երևանի պոլիտեխնիկական ինստիտուտի տասը ազգասեր ու նվիրյալ ուսանողներ, առաջին հայացքից, հանդուճ թայ մեռնարկեցին՝ երկրորդ կյանք տալ հիմնավորց գյուղին: Եկան, տեղավորվեցին գյուղում ու սկսեցին տքնել: Բացեցին բազմապրոֆիլ կոոպերատիվ (անունը՝ «Սպիտակ»), սկսեցին հերկել հողը, խնամել այգիները, տուն կառուցել: Դժվարություններն ապեխի քան շատ են, բայց գործը առաջ է գնում: Կամաց-կամաց, քայլ առ քայլ, բայց առաջ է գնում:

«Արցախ» համդեսի խմբագրությունը վերցնում է վերածնվող գյուղի շեֆությունը, բացում այնտեղ թղթակցական կետ: Այսուհետև յուրաքանչյուր համարում խոսելու ենք գյուղում գործերի վիճակի մասին,

մեր տղաների հերոսական աշխատանքի, նրանց հոգսերի ու հույզերի մասին: Այս առնչությամբ դիմում ենք կուսակցության Հաղրութի շրջկոմին, ժողովրդական դեպուտատների Հաղրութի շրջանային խորհրդին, մարզի ու շրջանի իրավասու կազմակերպություններին ու կոչ անում՝ շինել ականատեսի դերում, այլ կարյաց սահմաններում օգնել տղաներին: Ի դեպ, շրջկոմին ու շրջանային խորհուրդը խմբագրությանը խոստացել են հատուկ որոշում ընդունել Սպիտակաշենի վերաբերյալ: Ինչու՞մն է բանը, ընկերներ, մենք սպասում ենք ձեր փրկարար որոշմանը:

Հաղրութցիներն ասում են՝ վերին գյուղերն իրար կապող ճանապարհ օգտք ու կտեսնեք, թե ինչպես ուղունքների պես վերածնվող գյուղեր կշարվեն նրա երկայնքով: Ուրեմն՝ գուցե սկսենք ճանապարհների՞ց: Աջակցելով Սպիտակաշենին, մենք, ի դեմս նրա, աջակցում ենք բոլոր վերականգնվող գյուղերին: Որ շենանա շրջանը՝ Որ շենանա մարզը: Որ արցախցին լինի իր հողի տերը: Որ ոչ մի մորթիկ նրան արմատախիլ չանի իր հողից: